

Malonogometna liga uposlenika  
Univerziteta u Tuzli

## Ekipa Tehnološkog fakulteta osvojila titulu prvaka

STR. 4 | NOVOSTI



# NOVOSTI

MAJ 2018. • BROJ 8. IZDANJE II. • www.untz.ba

©MEDIA CENTAR. 2017.

UNIVERZITETA U TUZLI

Projekat BERSTSDI u okviru programa ERASMUS+

## Instalirana oprema na Rudarsko-geološko- građevinskom fakultetu

STR. 4 | TEME



DEBATA STUDENATA PRAVNIH FAKULTETA U BIH

## Antidiskriminacijske politike i prakse

STR. 3 | NOVOSTI



## Održana konferencija “Društvene i humanističke nauke na raskršću”

STR. 3 | NOVOSTI



## STUDIRAJTE NA UNIVERZITETU U TUZLI

Sve informacije o studijskim  
programima za akademsku  
2018/19. godinu na web stranici  
untz.ba

## TURSKA PRODAJE GRAD STAR 2.500 GODINA

STR. 8 | ZANIMLJIVOSTI





## Uvodnik

# Raditi i studirati

Piše: Faruk Halilović

Formula uspjeha i samoodrživog života čovjeka kao najsavršenijeg bića na zemlji krije se u organizaciji, komunikaciji i racionalnom korištenju vremena. Kako pravilno raspodijeliti 24 sata koja svi podjednako imamo svakoga dana pitanje je koje se u studentskim krugovima bukvalno interpretira.

„Nemam vremena, žurim sad, može drugi put“ fraze su koje svakodnevno koriste oni koji imaju mnogo realnih i stvarnih obaveza. Šta je čovjek bez obaveze? U 15. st u Kini nastala je izreka: „Ako nemaš nikakvu obavezu i brigu, ubaci kamenčić u cipelu da imaš o čemu misliti“. Samo rad održava čovjeka mentalno zdravim i tjelesno sposobnim. Fizički i psihički rad u međusobnosti su kada je u pitanju odmor pa se neko od učenja, čitanja i pisanja odmara sadjenjem cvijeća i košenjem trave. Pobornik sam rada. Uspjeh dolazi od rada, dakle onih famoznih 95 procenata rada i tek 5 posto talenta. Neuspjeh dolazi prevelikim oslanjanjem na talenat koji se ne brusi. Na sticanje radnih navika kod osoba mlade životne dobi, prvenstveno učenika i studenata, u velikom procentu utječu porodica i socijalno okruženje. Rad, zalaganje, volontiranje, istraživanje, zainteresiranost i upornost u studentskim danima su izuzetno poželjni, preporučljivi i efikasni za „tempus post studium“, dakle vrijeme poslije studiranja. Odnos između mladih stručnjaka (koji će većom produktivnošću i efikasnošću biti konkurentniji na tržištu rada prije samog zvaničnog zaposlenja) i poslodavaca odnosno kompanija temelje se na multitaskingu i sveobuhvatnosti u obavljanju svakodnevnih poslovnih zadataka. Nije više dovol-

jno imati diplomu, doći na konkurs i reći: „Da, imam fakultetsku diplomu i proći ću sigurno“. Nećeš proći, proći će onaj ko ostavi najbolji utisak na poslodavca svim svojim karakteristikama. Da li ćeš opstati na berzi rada, ostati u igri za radno mjesto, ovisit će isključivo od tvoje sposobnosti prilagodavanja novim mehanizmima, novom načinu poslovanja i novom okruženju digitalnog svijeta. Čovjek postaje digitalizovan. Ostaje ti da na jedinstven način, distinktivan od drugih, odgovoriš na sve postavljene izazove. Pripremi se da ćeš za šefa imati privatnika, kapitalistu, investitora, koji od tebe iznajmljuje znanje, vještine koje stičeš formalnim i neformalnim obrazovanjem, edukacijom i samoinicijativom. Plaćeni ste zato što ste sposobni da radite svoj posao, a ne zato što ste lijepi. Budite spremni na to da svakog časa možete biti zamijenjeni radi pada vaše produktivnosti i kapaciteta. Ne postoje nezamjenjivi, to je najveća tranzicijska istina. Počnite da radite na ostavrenju svojih snova. Ako ne počnete već danas i zanemarite ovu okrutnu činjenicu u svom životu, niko vas neće prepoznati kao osobu sposobnu da radi na ostvarenju bilo kakvih poslovnih ciljeva.

Znanje je moć. Ko ovo ne shvati dok je mlad, shvatit će u godinama kada već bude kasno. Pri tome ne mislim samo na formalno znanje koje usvajate završetkom određenog studija ili koje stičete ličnim usavršavanjem i interesovanjem. Mislim i na sve iskoristene prilike, pokušaje, uspjehe i neuspjehe, uspone i padove koji od vas čine kompletnu ličnost spremnu da se suoči sa realnim izazovima savremenog svijeta. Radite svakoga dana i iskoristite svoje vrijeme.



**Faruk Halilović**  
student na Odsjeku za  
žurnalistiku

## BH Novinari na Univerzitetu u Tuzli FINANSIRANJE MEDIJA IZ JAVNIH BUDŽETA



**Prof. dr. Enes Osmančević i Borka Rudić**

Piše: Azur Delić

Na Filozofskom fakultetu u Tuzli 10. aprila održana je fokus grupa u okviru projekta „Mediji i javni ugled“ koji provodi Konzorcijum Vijeće za štampu i online medije u BiH, Mediacenter Sarajevo, NVO JaBiHEU i BH novinari, uz finansijsku podršku Evropske unije.

U uvodnom obraćanju Borka Rudić, generalna tajnica Udruženja BH Novinari, izrazila je važnost ovakvih radionica i istakla potrebu za donošenjem Zakona o transparentnosti i oglašavanju. Marko Divković, predsjednik Udruženja, kazao je da nije tajna da se državnim novcem netransparentno finansiraju i privatni mediji, a da je „transparentnost ključ ka demokratizaciji i EU!“

Prof. dr. Enes Osmančević sa Odsjeka za žurnalistiku Univerziteta u Tuzli predstavio je podatke o finansiranju medija u BiH. Tokom obraćanja profesor Osmančević je rekao da dolazi do migracije publike ka online medijima te je zbog toga primjetno smanjenje tiraža novina, a porast broja portala. Također, Osmančević je kazao da ne postoje standardi o objavljivanju medijskog vlasništva i da: „u BiH ne postoji registar medija dostupan na transparentan način dok 30 miliona KM institucije vlasti troše na medije.“

Sudionici/ce su tokom diskusije dijagnosticirali probleme, ali se na tome nisu zadržali: ponuđena su i rješenja. Na prvom mjestu je usvajanje Zakona o transparentnosti vlasništva u medijima. „Potrebno je raditi na kreiranju medijskih politika kojima bi se uspostavili funkcionalni i legitimni modeli javnog finansiranja medija, zaštitile medijske slobode, promovirao javni interes i profesionalni standardi novinarstva, što je u interesu javnosti i demokratije,“ zaključio je profesor Osmančević.

Docent na Odsjeku za žurnalistiku dr.sc. Mirza Mehmedović smatra da u javnom diskursu nedostaje personaliziranje problema, nazivanje stvari pravim imenom i imenovanje krivaca. Osim ove dimenzije docent Mehmedović je diskusiju proširio i na temu medijskih modela rekavši da u BiH mediji nemaju definisanu nacionalnu politiku - a to je primjerice slučaj u Americi. Osim toga, učesnici/ce su se složili da u velikoj mjeri napredak i ozdravljenje medijske klime zavisi i od pravosudnih institucija.

Bosna i Hercegovina na svom putu ka EU bi trebala usvojiti potrebne zakone. Od medijske klime uveliko zavisi i put BiH, jer su profesionalni i transparentni mediji jedna od glavnih pretpostavki za demokratizaciju bh. društva, a ovakvi susreti medijskih profesionalaca i studenata sigurno doprinose tome.



**Potreba usvajanja Zakona o transparentnosti vlasništva u medijima**

### IMPRESSUM NOVOSTI Univerziteta u Tuzli

elektronsko izdanje

IZDAVAČ  
Univerzitet u TuzliADRESA  
Tihomila Markovića br. 1, 75000 Tuzla,  
BiH

web: www.untz.ba

e-mail: redakcija.novosti@untz.ba

## UREDNIČKI KOLEGIJ

Prof. dr. Enes Osmančević, doc. dr. Mirza Mehmedović, doc. dr. Šejn Husejnfendić, doc. dr. Mirza Mahmutović

## STUDENTI SARADNICI

Tahir Zustra, Damira Ibranić, Azra Husarić, Nedim Selimović, Amila Rahmanović, Azur Delić, Nejra Agić, Edina Kasumović, Adelisa Muminović, Azra Delmanović, Selma Begić, Nersad Ikanović, Faruk Halilović.

## LEKTOR

prof.dr. Sead Nazibegović

## FOTOGRAFIJA

Amra Pezić, Mirza Mehmedović

## DTP

Rešad Grbović

## VODITELJ MEDIA CENTRA

Prof. dr. Enes Osmančević



## Filozofski fakultet Univerziteta u Tuzli

# Održana konferencija "Društvene i humanističke nauke na raskršću"

Izvor: Filozofski fakultet

Filozofski fakultet u Tuzli bio je 27. i 28. aprila domaćin međunarodne naučne konferencije „Društvene i humanističke nauke na raskršću“, koja je okupila veliki broj učesnika, akademskih radnika, istraživača i aktivista iz Bosne i Hercegovine i inostranstva. Naučni skup predstavljala jednu u nizu aktivnosti u okviru obilježavanja 25 godina postojanja Filozofskog fakulteta, odnosno 58 godina od osnivanja Pedagoške akademije u Tuzli.

„Htjela bih se zahvaliti svima onima koji su svojim radom doprinijeli osnivanju i razvoju Filozofskog fakulteta kao jedne od najstarijih

sastavnica Univerziteta u Tuzli zahvaljujući kojem su se razvili i Prirodno-matematički i Fakultet za sport, a i svim nastavnicima Filozofskog fakulteta koji svojom profesionalnošću i entuzijazmom i dalje njeguju razvoj Filozofskog fakulteta“, kazala je u uvodnom obraćanju dekanica Filozofskog fakulteta u Tuzli dr. sc. Nihada Delibegović Džanić.

Niti jedno društvo ne može opstati i razvijati se, kazala je dekanica Delibegović Džanić, bez značajnih istraživanja u polju društvenih i humanističkih nauka. „Bez filozofije nema nauke, pa tako ni bez Filozofskog fakulteta nema ni Univerziteta“, kazala je dekanica Filozofskog fakulteta u Tuzli.



Učešće autora iz zemalja regije i svijeta



Damir Imamović SevdahLab

Konferencija je imala za cilj da okupi akademsku, umjetničku i aktivističku zajednicu u zajedničkom promišljanju intervencija u humanističkim i društvenim naukama za proizvodnju relevantnog znanja, javnog dobra i emancipacijske društvene transformacije.

Plenarni izlagači na konferenciji bili su profesori Damir Arsenijević s Filozofskog fakulteta u Tuzli i Boguslaw Zieliński s Adam Mickiewicz Univerziteta u Poznaniu. U izlaganju pod nazivom „Univerzitet kao zajednica“ profesor Arsenijević govorio je važnosti društvenih nauka i human-

istike u osvjetljavanju učinaka suvremenih režima moći, raskrinkavanju društvenih interesa i klasa koje crpe snagu i profit iz getoizacije, progona i ugnjetavanja. U izlaganju pod nazivom „Kriza humanistike, društva ili tržišta – pogled iz poljske perspektive“ profesor Zieliński ukazao je negativne posljedice komercijalizacije, politizacije i birokratizacije visokoškolskog obrazovanja u Poljskoj.

Konferenciju je otvorio poznati bosanskohercegovački umjetnik Damir Imamović s projektom SevdahLab. U interaktivnom pred-

vanju pod nazivom „Zašto je sevdah tako sexy?“ Imamović je govorio o različitim ideološkim upotrebama sevdaha, posebno u aspektu roda i seksualnosti, kao sredstva za oblikovanje društveno poželjnih identiteta.

U radnom dijelu Konferencije, na oko 20-tak sekcija, izlagači su razmatrali probleme suvremenog društva iz perspektiva filozofije, sociologije, politologije, komunikologije, prava, lingvistike, nauke o književnosti, pedagogije, psihologije i socijalnog rada.

## DEBATA STUDENATA PRAVNIH FAKULTETA U BIH

# Antidiskriminacijske politike i prakse

Izvor: Pravni fakultet

Tokom vikenda 21. i 22. aprila u Sarajevu predstavnici Pravnog fakulteta Univerziteta u Tuzli Jasmina Valjevac, Benjamin Gibić i Kenan Gutić završili su učešće u projektu antidiskriminacijskih debata o temi Antidiskriminacijske politike i prakse za studente pravnih fakulteta u organizaciji NVO Prava za sve.

Inače, Prava za sve je bosanskohercegovačka nevladina organizacija koja se bavi zaštitom i zagovaranjem ljudskih prava. Od 1996. godine Prava za sve promoviraju učešće građana u institucijama i procesima kroz zagovaračke kampanje kojima ukazuju na kršenja ljudskih prava i slučajeve diskriminacije, tražeći zakonodavne i reforme politika te učešće organizacija civilnog društva u procesima donošenja odluka. Organizacija Prava za sve izrasla je iz međunarodne nevladine organizacije Global Rights.

U sklopu svojih osnovnih aktivnosti organizacija Prava za sve je pokrenula i projekat antidiskriminacijskih debata za studente pravnih fakulteta iz cijele Bosne i Hercegovine. Pozivu za učešće se odazvao i Pravni fakultet našeg univerziteta. Tokom akademske 2017/2018. godine održano je nekoliko debata u različitim gradovima i lokacijama Bosne i Hercegovine, a teme su, iako svaki put različite, bile iz oblasti antidiskriminacijskih politika. Studenti su imali priliku da se susretnu sa aktuelnim problemima ove tematike, razgovaraju o mogućim pravcima kretanja u oblasti prava po pitanjima o kojima su diskutovali, rade na rješavanju slučaja iz prakse, učestvuju u simuliranom sudenju i što je najvažnije razmijene međusobna poznanstva i iskustva sa drugim studentima iz cijele Bosne i Hercegovine.

Za naš časopis govori Kenan Gutić, predsjednik Studentskog vijeća Pravnog fakulteta Univerziteta u Tuzli, pod skraćenim nazivom Legis.

„Prikupljena znanja na svim organizovanim debatama će poslužiti kao odličan temelj za dalji razvoj dijaloga o ovoj tematici sa našim ostalim studentima. Pored toga, stekli smo i neka druga iskustva koja planiramo primijeniti i u našem svakodnevnom radu sa studentskim organizacijama, što će zasigurno podići nivo kritičnog razmišljanja studenata, a sve u cilju što boljeg profilisanja svih studenata našeg fakulteta,“ kaže Kenan Gutić.

Ovo je prva godina realizacije ovakvog tipa projekta u organizaciji NVO Prava za sve, no uvidjevši veliki uspjeh, organizatori su najavili nastavak rada na ovoj ideji i projektu.





## Projekat BERSTSDI u okviru programa ERASMUS+

# INSTALIRANA OPREMA NA RUDARSKO-GEOLOŠKO-GRAĐEVINSKOM FAKULTETU

Izvor: RGGF

Na Rudarsko-geološko-građevinskom fakultetu je okončana nabavka i završeno instaliranje opreme u okviru projekta "Western Balkans Academic Education Evolution and Professional's Sustainable Training for Spatial Data Infrastructures" – BESTSDI (bestsdi.eu) u kojem učestvuju i Univerzitet u Tuzli. Projekat BESTSDI, u okviru programa ERASMUS+ KA2 Capacity Building in Higher Education, realizira Geodetski fakultet Univerziteta u Zagrebu sa projektnim partnerima Catholic University Leuven (B), Univerzitet u Splitu (HR), Ss. Univerzitet Ćirilo i Metodije u Skoplju (MK), Bochum University of Applied Sciences (D), Polytechnic University of Tirana (AL),

Agricultural University of Tirana (AL), Univerzitet u Banjaluci (BiH), Univerzitet u Mostaru (BiH), Univerzitet u Sarajevu (BiH), University for Business and Technology Prishtina (XK), Univerzitet u Crnoj Gori (MN), Univerzitet u Beogradu (RS), Univerzitet u Novom Sadu (RS) i Univerzitet u Prizrenu „Ukshin Hoti“ (XK), te pridruženim partnerima: Federalna uprava za geodetske i imovinsko-pravne poslove FBiH (BiH), Republička uprava za geodetske i imovinsko-pravne poslove RS (BiH) i Agencija za katastar Republike Makedonije (MK).

BESTSDI projekat realizira se s ciljem unaprijeđenja nastavnih programa uvođenjem koncepata infrastrukture prostornih podataka (IPP) i e-vlade kao i proširenjem koncepata "pamet-

nih" gradova, "pametnog" okoliša, digitalnog tržišta i drugih koji se zasnivaju na infrastrukturi prostornih podataka. Kursevi obuhvaćeni projektom su namijenjeni za studente sa specijalizacijom u upravljanju osnovnim geoprostornim podacima (npr. u geodeziji, geoinformatici itd.), te za studente na drugim fakultetima koji koriste IPP koncepte, naprimjer urbanističke planere, inženjere zaštite okoliša, studente šumarstva, geografije, rudarstva, građevinarstva, geologije i poljoprivrede.

Instaliranjem opreme stvoreni su uslovi za dodatno kompletiranje i jačanje kapaciteta Fakulteta, čime su stvorene i pretpostavke za jačanje uloge i značaja uvođenja koncepata infrastrukture prostornih podataka, proširenje programa sa nastavnim predmetima iz ove oblasti, kao i za pokretanje



novih istraživačkih projekata i intenzivniju saradnju univerziteta sa javnim i privatnim sektorom u

oblastima primjene novih geoinformacionih tehnologija i koncepata.

## Seminar o modernizaciji studija u predškolskom odgoju i obrazovanju

Na Filozofskom fakultetu Univerziteta u Tuzli 8. i 9. maja održan je Metodičko-didaktički seminar u sklopu projekta TEACHER. Cilj seminara je inovacija i modernizacija prvog ciklusa akademskih studija u predškolskom odgoju i obrazovanju u Bosni i Hercegovini kroz uvođenje kurikuluma zasnovanog na kompetencijama.

Ovo je treći po redu Metodičko-didaktički seminar koji se održava u okviru projektnih aktivnosti, a koordinatori ove aktivnosti su predstavnici Matej Bel Univerziteta iz Slovačke. Na seminaru su, uz učesnike sa Filozofskog fakulteta, sudjelovali i predstavnici svih partnerskih univerziteta na projektu iz BiH. Učesnici su kroz seminar ovladali novim vještinama i kompetencijama koje su neophodne za dalji rad, kako u oblasti predškolskog odgoja tako i u okviru projekta.

# TEACHER

Co-funded by the  
Erasmus+ Programme  
of the European Union

## 3rd Didactic/Methodic Seminar

## Malonogometna liga uposlenika Univerziteta u Tuzli

# Ekipa Tehnološkog fakulteta osvojila titulu prvaka

Izvor: Centar za sport

Ekipa uposlenika Tehnološkog fakulteta Univerziteta u Tuzli osvajač je univerzitetske malonogometne lige za sezonu 2017/18. akademske godine. Tehnolozi su pokazali najviše nogometnog umijeća u četvrtoj malonogometnoj ligi uposlenika Univerziteta u Tuzli i zasluženo osvojili prvo mjesto. Ekipi je dodijeljen pehar za osvojeno prvo mjesto i prelazni pehar, a učešće u ovogodišnjoj ligi je bila izvanredna prilika za upoznavanje i druženje među kolegama fakulteta Univerziteta u Tuzli.

Osvajači titule i drugi učesnici takmičenja zahvalili su se Centru za sport Univerziteta u Tuzli i Univerzitetskom sportskom društvu za organizaciju malonogometne lige, ali i svih drugih rekreativnih sportskih aktivnosti. Centar za sport Univerziteta u Tuzli planira i u narednim godinama nastaviti organizaciju međufakultetskih takmičenja koja predstavljaju dugoročnu strategiju animiranja uposlenika Univerziteta u Tuzli na rekreativno bavljenje sportom i korištenje sportskih kapaciteta Univerziteta u Tuzli. Osim lige za uposlenike, Centar za sport u saradnji sa Studentskim parlamentom Univerziteta u Tuzli organizira paralelno i studentska takmičenja i revijalne susrete sa predstavnicima drugih univerziteta u zemlji i regiji.





## ERASMUS+ informativni dan

# Mogućnost studiranja na Masaryk Univerzitetu u Brnu

Piše: Mirza Mehmedović

Na Univerzitetu u Tuzli 25. aprila održan je Erasmus+ informativni dan o mogućnostima studiranja na Masaryk Univerzitetu u Brnu (Češka) u okviru projekta „STINT“ „Strengthening of Internationalization in Bosnia and Herzegovina Higher Education“ („Jačanje internacionalizacije na visokoškolskim ustanovama u Bosni i Hercegovini“), koji je Evropska komisija odobrila krajem 2015. godine.

Martin Vašek, rukovodilac sektora za međunarodnu razmjenu na Masaryk Univerzitetu iz češkog grada Brna, predstavio je univerzitet i mogućnosti razmjene za studente Univerziteta u Tuzli. Studente je detaljno uputio o načinu apliciranja, potrebnoj dokumentaciji i korisnim savjetima za uspješnu aplikaciju. Također, studenti su imali priliku čuti

korisne informacije o troškovima smještaja i života u Brnu. Ono što je posebno bitno napomenuti, a što je također rečeno u prezentaciji profesora Vašeka, jeste činjenica da za studente iz Bosne i Hercegovine Češka predstavlja



izuzetno pogodan prostor za međunarodnu razmjenu i nastavak studija, posebno zbog sličnog mentaliteta, kulture, ali i višedecenijske tradicije međuuniverzitetske saradnje između dvije zemlje. Također, imajući u vidu članstvo Češke u Evropskoj uniji te

veličinu univerzitetskih cenatara, tendencija čeških univerziteta jeste upravo proširenje projekata međunarodne saradnje i otvaranje što većeg broja studijskih programa na engleskom jeziku.

veličinu univerzitetskih cenatara, tendencija čeških univerziteta jeste upravo proširenje projekata međunarodne saradnje i otvaranje što većeg broja studijskih programa na engleskom jeziku.



# Globalna sedmica imunizacije u Tuzli



IZVOR: Rektorat

Krajem aprila održana je panel diskusija pod nazivom „Vakcinacija: odgovornost pojedinca i zajednice“ koja je održana u prostorijama Hotela „Tuzla“ u prisustvu 200 gostiju, zvanica i učesnika. Pozvani govornici panela su predstavljali različite oblasti iz područja zdravstva, nauke i javnog života koje su srodne temi vakcinisanja s ciljem davanja odgovora na sva pitanja, nedoumice i argumente koje su učesnici panela imali. Panel, kao i prethodne aktivnosti projekta, bio je potpuno otvoren za sve zainteresirane kao i sve one koji imaju različita mišljenja kada je u pitanju ova tema, s ciljem kreiranja kvalitetne platforme za dijalog i razmjenu mišljenja. Ovim projektom završena je prva sedmica imunizacije u Tuzli, uz želju organizatora da se poruka njihove kampanje i dalje nastavi širiti putem slogana: Volite. Pazite. Imunizirajte!

Sama sedmica imunizacije je započela javnom akcijom: „I ja sam vakcinisan“ koja je održana na Trgu slobode s ciljem okupljanja što većeg broja različitih populacionih grupa i podsticanja na važnost koju vakcine imaju u održavanju zdravlja stanovništva. Svi prisutni su mogli ostaviti svoje poruke i trag na zidu i time dati svoju podršku onima kojima je ona najpotrebnija, odnosno samoj djeci. Centralnu ak-

ktivnost je predstavljala panel diskusija pod nazivom: „Vakcinacija: odgovornost pojedinca i zajednice“ koja je održana u prostorijama Hotela „Tuzla“ u prisustvu 200 gostiju, zvanica i učesnika. Pozvani govornici panela su predstavljali različite oblasti iz područja zdravstva, nauke i javnog života koje su srodne temi vakcinisanja s ciljem davanja odgovora na sva pitanja, nedoumice i argumente koje su učesnici panela imali. Panel, kao i prethodne aktivnosti projekta, bio je potpuno otvoren za sve zainteresirane kao i sve one koji imaju različita mišljenja kada je u pitanju ova tema, s ciljem kreiranja kvalitetne platforme za dijalog i razmjenu mišljenja. Ovim projektom završena je prva sedmica imunizacije u Tuzli, uz želju organizatora da se poruka njihove kampanje i dalje nastavi širiti putem slogana: Volite. Pazite. Imunizirajte!

# Univerzitet u Tuzli treći bh. univerzitet prema Webometricsu

Od završetka rata do danas u BiH je osnovan veliki broj privatnih univerziteta i visokoškolskih ustanova, tako da je ukupan broj institucija u našoj zemlji koje pružaju usluge visokog obrazovanja porastao na 62 prema podacima Webometricsa.

Stručnjaci su saglasni da tako veliki broj visokoškolskih ustanova znači i manje kvaliteta u obrazovnom procesu. A kakav je status visokoškolskih ustanova u BiH najbolje potvrđuju rang-liste na stranicama koje prate, analiziraju i vrednuju kvalitet visokog obrazovanja. Tako je na stranici Webometricsa najbolje rangirani univerzitet u BiH Univerzitet u Sarajevu (UNSA) i to na 2039. mjestu prema podacima s početka godine. Na drugom mjestu je privatni univerzitet Internacionalni univerzitet u Sarajevu (IUS) na 3362. mjestu dok je treći iz BiH Univerzitet u Tuzli i to na 3480. mjestu. Slijede Univerzitet u Banjoj Luci, Sveučilište u Mostaru i Univerzitet u Zenici.



Webometrics



**OBILJEŽEN DAN PLANETE ZEMLJE**

# Akcija uređenja Univerzitetskog kampusa

Tekst i foto:  
Mirza Mehmedović


Povodom obilježavanja Dana planete Zemlje, u subotu 21. aprila uposlenici i studenti Univerziteta u Tuzli organizirali su akciju uređenja zelenih površina u univerzitetskom Kampusu. Akciju su podržali i pripadnici specijalne jedinice kantonalnog Ministarstva unutrašnjih poslova, članovi Dobrovoljnog vatrogasnog društva Tuzla, Služba za komunalne poslove, izgradnju i poslove mjesnih zajednica Grada Tuzle te rudari Rudnika Kreka.

Osim obilježavanja simboličnog ekološkog praznika, menadžment Univerziteta u Tuzli na čelu sa rektoricom prof.dr. Nerminom Hadžigrahić najavljuje da je prošlomjesečna akcija dio dugoročne strategije animiranja studenata i uposlenika da sličnim akcijama pokažu društvenu odgovornost javnih institucija, a da se prostor Kampusu koristi kao poligon za okupljanja i

druženje među različitim subjektima lokalne zajednice.

-Pokazali smo da smo spremni na ovakve društvene akcije i da studenti Univerziteta u Tuzli mogu imati druge oblike aktivnosti osim nastave, učenja i polaganja ispita, jer i sam Kampus je prostor koji želimo oživjeti u saradnji sa studentima i koji će u bliskoj budućnosti, nadamo se, biti središte svih aktivnosti Univerziteta u Tuzli, rekla je rektorica prof.dr. Nermina Hadžigrahić.

Osim košenja travnatih površina i obrezivanja drveća u prostoru Kampusu, uz pomoć pripadnika Dobrovoljnog vatrogasnog društva očišćene su betonske površine na kojima će uskoro biti završeni projekti postavljanja savremenih sportskih terena kojima rukovodi Fakultet za tjelesni odgoj i sport. U ovom izdanju Novosti Univerziteta u Tuzli donosimo vam foto reportažu sa obilježavanja Dana planete Zemlje u Univerzitetskom kampusu.



**Izgradnja / Rekonstrukcija**

Poligon za kineziološku dijagnostiku i trening Fakulteta za tjelesni odgoj i sport Univerziteta u Tuzli




**Finansiranje**

Sredstvima Fakulteta za tjelesni odgoj i sport Univerziteta u Tuzli i Univerziteta u Tuzli, putem Konkursa za sufinansiranje projekata iz oblasti nauke Federalnog ministarstva obrazovanja i nauke

**Izvođač**

Mavas d.o.o, Mrkonjić Grad  
Početak radova 21. 04. 2018. godine  
Završetak radova: 21. 05. 2018. godine







## U NJEMAČKOM TRIERU SPOMENIK KARLU MARXU

U njemačkom gradu Trieru početkom maja je otkriven spomenik Karlu Marxu, a bronzana statua viša od pet metara poklon je Kine za obilježavanje 200 godina od rođenja osnivača komunizma.

Otkrivanju spomenika prisustvovali su brojni građani koji su nosili transparente "Dole kapitalizam" i "Otac svih diktatora". Marx je prvih 17 godina života proveo u Trieru, gradiću na rijeci Mozeli na zapadu Njemačke. Mnogi Nijemci smatraju da su poslijeratne podjele Njemačke i podizanje Berlinskog zida rezultat Marxovih ideja, a gradonačelnik Trieria Volfram Libe rekao je da treba priznati historijske kontroverze. „U Njemačkoj iznova imamo situaciju sa teškim, komplikovanim historijskim ličnostima koje želimo da skrivamo u šumi. Dovodjenje Karla Marxa u grad bio je svjestan čin i ne želimo da ga skrivamo“, istakao je Libe. Gradska skupština izjasnila se u martu prošle godine sa 42 glasa "za" i sedam "protiv" da se prihvati poklon kineskih vlasti.



## TURSKA PRODAJE GRAD STAR 2.500 GODINA



Turska prodaje grad star 2.500 godina kako bi ga sačuvala od lovaca na blago i propadanja. Nekadašnji grad Grka Bargyia nalazi se u blizini Bodruma na Egejskom moru, a vlasnici ga prodaju za 8,3 miliona dolara. Prostor od 133 hektara je u privatnom vlasništvu, a stoka pase među pozorištem, akropolom, zidovima tvrđave i nekropola koje su lokalno popisane kao arheološko nalazište prve klase. Dugo napušteni samostan sada služi kao sklonište za životinje, pišu turske novine Hurriyet. Jedan od vlasnika Huseyin Ucpinar kazao je kako ne može sam zaštititi antički grad i da je tražio pomoć vlasti.

U gradu nisu urađena neka značajna arheološka iskopavanja, pa je na meti lovaca na blago koji su ukradli mozaik iz perioda Rimljana. Uprkos što ima status prve klase, vlasti nisu podržale radove na konzervaciji mjesta jer je na privatnom zemljištu.

Ovo nije prvi pokušaj prodaje ovog grada. U 2015. godini lokalni agent za nekretnine prodavao je prostor opisavši ga kao prvostepeno arheološko mjesto blizu sela Bogazici s pogledom na more i jezero.

Ali kupac nije naden. Sada je cijena niža za skoro dva miliona dolara, a vlasnik se nad da će prodaja ovaj put biti uspješna.


## Na londonskom aerodromu zaplijenjeno 50 krokodila

Na londonskom aerodromu Heathrow zaplijenjeno je 50 živih krokodila jer nisu bili transportovani u skladu s propisima. Stari godinu pronađeni su u pet kutija i stigli su letom iz Malezije, a zbog teških uslova u kojima su putovali međusobno se borili, piše BBC. U kutijama u kojima su se nalazili bilo je predviđeno da budu smještena četiri krokodila, međutim njih je bilo po deset u jednoj naslagani jedni na druge.

„Nije prihvatljivo za reptile da budu transportovani na ovakav način. Sve ćemo oduzeti što bude kršilo pravila Konvencije o međunarodnoj trgovini ugroženim vrstama i ovo bi trebalo biti upozorenje svima onima koji razmišljaju o transportu divljači na ovakav način“, kazao je Grant Miller šef odjela za međunarodni transport ugroženih vrsta na Aerodromu Heathrow. Jedan od krokodila je uginuo tokom putovanja, dok su ostali zbrinuti.



## U potrazi za avionom Malaysia Airlinesa otkrivene olupine broda iz 19. stoljeća



Dvije olupine brodova koje su nade tokom neuspješne potrage za nestalim avionom kompanije Malaysia Airlines potiču iz 19. stoljeća, javlja BBC. Radi se o trgovačkim brodovima koji su otkriveni 2.300 km od obale Zapadne Australija. Pripadali su Britancima, a prevozili su uglj. Ekipe koje su tražile avion otkrile su olupine tokom pretraživanja Indijskog okeana 2015. godine. Australijski eksperti su koristili sonar i postojeće podatke kako bi identifikovali brodove. Jedan brod je primijećen u decembru 2015. godine, a radi se o brodu West Ridge izgubljenom 1883. godine, Kooringi (1894) ili o brodu Lake Ontario (1897).

West Ridge je potonuo s 28 članova posade na putu iz Engleske prema Indiji te olupina najvjerovatnije pripada njemu. Bio je težak između 1.000 i 1.500 tona, a naden je relativno netaknut u uspravnom položaju na morskom dnu četiri kilometra ispod površine mora. Drugi brod je naden 36 km dalje u maju 2015. godine, a moguće je da se radi o brodu W. Gordon, koji je trebao stići u Australiju 1977. godine ili je to brod Magdala izgubljen 1882. godine na putu prema Indoneziji. Na brodovima su bile posade između 15 i 30 ljudi. Tačna identifikacija brodova nije moguća zbog nekompletnih historijskih podataka. Lokacija aviona Malaysia Airlinesa nije poznata. Neuspješna potraga je končana u januaru 2016. godine nakon 1.046 dana. Privatna američka kompanija je započela novu potragu ranije ove godine, a uoči njenog završetka rezultata nema.